

საქართველოს თავდაცვის სამინისტრო



ავტობიოგრაფიული „პრემიუმი“-ს (ტალონები)
შესყიდვის ხელახალი ელექტრონული ტენდერის

სატენდერო დოკუმენტაცია

ქ. თბილისი

სარჩევი

1. საკვალიფიკაციო მოთხოვნები.....გვ. 3
2. ტექნიკური დოკუმენტაცია.....გვ. 4
3. სახელმწიფო შესყიდვის შესახებ ხელშეკრულების ფორმა და პირობები..... გვ. 5-12
4. ხელშეკრულების შესრულების უზრუნველყოფის გარანტია.....გვ. 13
5. სატენდერო წინადადების ღირებულების გაანგარიშების მეთოდი..... გვ. 13
6. საკონტაქტო პირი სატენდერო დოკუმენტაციის შესახებ განმარტებებისათვის..... გვ. 14
7. დანართი №1 ხელშეკრულების შესრულების უზრუნველყოფის საბანკო
გარანტიის ფორმა.....გვ. 15
8. დანართი №2 პრეტენდენტის რეკვიზიტები.....გვ. 16

სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის “სახელმწიფო შესყიდვების შესახებ” და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” შესაბამისად.

1. საკვალიფიკაციო მოთხოვნები

პრეტენდენტმა სისტემის გამოყენების გარეშე უნდა წარმოადგინოს შემდეგი საკვალიფიკაციო მონაცემების დამადასტურებელი დოკუმენტები, რომელთა გაცემის თარიღი არ უნდა უსწრებდეს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის “ღ” ქვეპუნქტით გათვალისწინებული სტატუსის – „წინადადების მიღება დაწყებულია“ მინიჭების თარიღს:

იურიდიული პირებისათვის:

- ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- ბ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;
- გ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ;
- დ) ცნობა სასამართლოდან, რომ იურიდიული პირის მიმართ არ მიმდინარეობს გადახდისუუნარობის საქმის წარმოება.

ფიზიკური პირებისათვის:

- ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;
- ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.

ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედანის სახით ან ნოტარიულად დამოწმებული ასლები, წარმოდგენილი უნდა იქნას შემსყიდველ ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი სათანადო წესით დამოწმებული დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

პრეტენდენტის მიერ საკვალიფიკაციო მონაცემების წარმოდგენა შემსყიდველ ორგანიზაციაში შესაძლებელია განხორციელდეს სისტემის გამოყენების გარეშე, საქართველოს კანონმდებლობით დადგენილი ფორმით.

პრეტენდენტს უფლება აქვს საქართველოს კანონმდებლობით დადგენილი ფორმით გაცემული საკვალიფიკაციო მონაცემების დამადასტურებელი დოკუმენტები (ელექტრონული სახით) შემსყიდველ ორგანიზაციას წარუდგინოს სისტემის მეშვეობით. საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენის ვალდებულება პრეტენდენტს წარმოეშობა ხელშეკრულების ხელმოწერის მომენტისათვის.

პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

2. ტექნიკური დოკუმენტაცია

პრეტენდენტმა შესყიდვის ობიექტის შესახებ სისტემის გამოყენებით უნდა წარმოადგინოს ქვემოთჩამოთვლილი ინფორმაცია:

2.1. ტექნიკური პარამეტრები:

2.1.1. ავტობენზინი „პრემიუმი“ (ტალონი) – რაოდენობა 1300 000 ლიტრი.

ავტობენზინი „პრემიუმი“ უნდა აკმაყოფილებდეს „საავტომობილო ბენზინის ხარისხობრივი ნორმების შესახებ“ საქართველოს მთავრობის 2004 წლის 31 დეკემბრის №124 დადგენილებით, აგრეთვე საქართველოს სტანდარტიზაციის, მეტროლოგიისა და სერტიფიკაციის სახელმწიფო დეპარტამენტის 2003 წლის 12 სექტემბრის №323 ბრძანებით დამტკიცებული საქართველოს ეროვნული სტანდარტის სსტ 41:2003 „ბენზინი საავტომობილო. ტექნიკური პირობები“ დამტკიცების შესახებ განსაზღვრულ მოთხოვნებს და შესაბამისი საერთაშორისო სტანდარტების (ISO) პირობებს. ბენზინის ოქტანობის რიცხვი არანაკლებ 95-ისა.

2.2 პრეტენდენტმა უნდა წარმოადგინოს შემდეგი ინფორმაცია:

2.2.1. ინფორმაცია პრეტენდენტის საკუთრებაში არსებული არანაკლებ 20 (ოცი) ავტოგასამართი სადგურის შესახებ (საქართველოს ტერიტორიაზე ადგილმდებარეობის მიხედვით),

2.2.2. სერვისების და გამოცდილების შესახებ.

2.3. მისაწოდებელი საწვავის ხარისხის დამადასტურებელი სერტიფიკატი.

2.4 სატენდერო წინადადების ფასი:

2.4.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

2.4.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

2.5 ანგარიშსწორების პირობები:

2.5.1. ანგარიშსწორება მოხდება უნაღდო ანგარიშსწორებით ლარში;

2.5.2. ანგარიშსწორება მოხდება მხარეთა შორის მიღება-ჩაბარების აქტის გაფორმებიდან არა უგვიანეს 30 კალენდარული დღის ვადაში.

2.5.3 შემსყიდველი უფლებამოსილია მიმწოდებლის მიერ წინასწარი ანგარიშსწორების მოთხოვნის შემთხვევაში განახორციელოს წინასწარი ანგარიშსწორება.

2.6 მიწოდების პირობები და ვადები:

2.6.1 საწვავის მიწოდება უნდა განხორციელდეს შემსყიდველის მოთხოვნის შესაბამისად, ეტაპობრივად, ტალონური სისტემით:

ხელშეკრულების დადებიდან:

15 ივნისამდე - 210 000 ლიტრი;

15 ივლისამდე - 210 000 ლიტრი;

15 აგვისტომდე - 210 000 ლიტრი;

15 სექტემბრამდე - 210 000 ლიტრი;

15 ოქტომბრამდე - 210 000 ლიტრი;

15 ნოემბრამდე - 250 000 ლიტრი;

სულ – 1 300 000 ლიტრი.

მიწოდების ადგილი - ქ. თბილისი.

2.7 ხელშეკრულების ფორმა: წერილობითი

3. სახელმწიფო შესყიდვის შესახებ ხელშეკრულების ფორმა და პირობები

საბოლოო ვარიანტი შეიძლება დაზუსტეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში შემსყიდველისათვის პირობების გაუარესების გარეშე

ხელშეკრულება სახელმწიფო შესყიდვის შესახებ №-----

ქ. თბილისი

«-----» -----2012 წ.

შემსყიდველი – საქართველოს თავდაცვის სამინისტრო, წარმოდგენილი სახელმწიფო შესყიდვების დეპარტამენტის უფროსის ----- სახით.

მისამართი: 0112, ქ. თბილისი, გენერალ გ. კვინიტაძის ქ. №20.

სკ. 204900483.

საბანკო რეკვიზიტები: ანგ. №200122900 სახელმწიფო ხაზინა, საქართველოს თავდაცვის სამინისტროს სამინისტროს ფინანსების მართვის დეპარტამენტი, საქართველოს ეროვნული ბანკი, კოდი TRESGE22

მიმწოდებელი –

მისამართი, ტელეფონი:

(იურიდიული და ფაქტობრივი ადგილსამყოფელის, საფოსტო, ელექტრონული მისამართები, ფაქსის ნომერი ოფიციალური შეტყობინებისთვის)

ხელმძღვანელი:

საბანკო რეკვიზიტები:

იმის გათვალისწინებით, რომ შემსყიდველმა ჩაატარა ტენდერი

(შესყიდვის ობიექტის მოკლე აღწერა, კლასიფიკატორის კატეგორიის, ქვეკატეგორიის, კლასის, ჯგუფის ან დანაყოფის კოდი)

სახელმწიფო შესყიდვაზე, რომელშიც გამარჯვებულად მიჩნეული იქნა მიმწოდებლის სატენდერო წინადადება, მხარეები შევთანხმდით შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვების შესახებ“ (შემდგომ „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე მთელი დოკუმენტაციით, რომელზეც ხელშეკრულებაში არის მინიშნებები;

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულად და ზედმიწევნით შესრულებისთვის;

1.3 „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვების შესახებ მოცემული ხელშეკრულების ფარგლებში;

1.5 „დღე“, „კვირა“, „თვე“, ნიშნავს კალენდარულ დღეს, კვირას, თვეს.

2. ხელშეკრულების საგანი

2.1. მიმწოდებელი იღებს ვალდებულებას, ამ ხელშეკრულებით გათვალისწინებული პირობებისა და ხელშეკრულების დანართ(ებ)ის შესაბამისად მიაწოდოს შემსყიდველს საქონელი.

3. საქონლის ღირებულება

3.1. მისაწოდებელი საქონლის ჯამური ღირებულება შეადგენს ----- ლარს და მოიცავს მიმწოდებლის ყველა ხარჯს, დაკავშირებულს საქონლის მიწოდებასთან და შემსყიდველისათვის საკუთრებაში გადაცემასთან, მათ შორის, კანონმდებლობით დადგენილ ყველა გადასახადს, მოსაკრებელსა და სახდელს.

3.2. საქონლის ერთეულის ფასი და რაოდენობა განისაზღვრება ხელშეკრულების დანართ(ებ)ით.

3.3. საწვავის ფასის გაანგარიშება/ცვლილება მოხდება შემდეგი ფორმულის გამოყენებით:

$$C = R \times (P + Z) \times (100\% + 18\%) \times D / 1000, \text{ სადა } C$$

ა) C = ნავთობპროდუქტების (საწვავის) ერთი ლიტრის ფასი (ლარი);

ბ) R = წინადადების წარმოდგენის, ელექტრონული ვაჭრობის დასრულების ან ხელშეკრულების დადების შემდეგ შემსყიდველის მიერ საწვავის მოწოდების მოთხოვნის დღეს საქართველოს ეროვნული ბანკის მიერ დადგენილი ლარის ოფიციალური გაცვლითი კურსი აშშ დოლართან მიმართებაში (ცვლადი კომპონენტი);

გ) P = წინადადების წარმოდგენის, ელექტრონული ვაჭრობის დასრულების ან ხელშეკრულების დადების შემდეგ შემსყიდველის მიერ საწვავის მიწოდების მოთხოვნის დღიდან PLATTS EUROPEAN MARKETSCAN-ის FOB Med (italy) ბირჟაზე დაფიქსირებული (გამოქვეყნებული) საწვავის ერთი მეტრული ტონის წინა სამი მონაცემის საშუალო ფასი (ცვლადი კომპონენტი);

დ) Z = ტრანსპორტირებასთან, ლოჯისტიკასთან და შენახვასთან დაკავშირებული ხარჯები, ზედნაღები ხარჯები, საწარმოს მოგება და აქციზი;

ე) 18% = დღგ;

ვ) D = წინადადებით წარმოდგენილი ნავთობპროდუქტის (საწვავი) სიმკვრივის მაჩვენებელი.

3.4. „C“-ს ცვლილება შესაძლებელია მხოლოდ „R“-ის ან/და „P“-ს ისეთი ცვლილების შემთხვევაში, რომელიც იწვევს „C“-ს სამი ან მეტი პროცენტული ოდენობით ცვლილებას ხელშეკრულებით გათვალისწინებულ (მხარეთა მიერ ბოლო შეთანხმებულ) ფასთან მიმართებაში. ამასთან „C“ უნდა იყოს, შემსყიდველის მიერ საწვავის მიწოდების მოთხოვნის დღეს შესაბამისი მიმწოდებლის ქსელში (ასეთის არარსებობის შემთხვევაში, გაყიდვის ყველა სხვა ობიექტზე) იგივე პროდუქტის ერთ ლიტრ საწვავზე მინიმუმ სამი თეთრით (0,03 ლარი) ნაკლები;

3.5. მხარეები თანხმდებიან, რომ თუ ხელშეკრულების გაფორმების შემდგომ პერიოდში სახელმწიფო შესყიდვების მარეგულირებელ ნორმატიულ აქტებში შეტანილი იქნება ისეთი ცვლილებები, რომლითაც შეიცვლება ფასის გაანგარიშების ფორმულა, ამ შემთხვევაში მხარეები აფორმებენ წერილობით შეთანხმებას ფასის ცვლილების თაობაზე, რომელიც ჩაითვლება ხელშეკრულების განუყოფელ ნაწილად.

3.6. შემსყიდველის მხრიდან საქონლის მიწოდების შეკვეთის წარდგენის შემდეგ, მიმწოდებელი ვალდებულია, შეკვეთის მიღებიდან არაუგვიანეს მომდევნო ერთი სამუშაო დღის ვადაში წერილობით წარუდგინოს შემსყიდველს (თავდაცვის სამინისტროს სახელმწიფო შესყიდვების დეპარტამენტს) 3.3 პუნქტით გათვალისწინებული ცვლადი კომპონენტების შესაბამისად განსაზღვრული საწვავის ერთეულის ფასი.

3.7. ფასების ცვლილების შესახებ მხარეთა შორის 15 დღის ვადაში შეუთანხმებლობის შემთხვევაში, თითოეულ მხარეს უფლება აქვს ვადამდე მოშალოს ხელშეკრულება, რისი განზრახვის თაობაზე შეწყვეტამდე სამი დღით ადრე წერილობით აცნობებს მეორე მხარეს. აღნიშნულ შემთხვევაში მხარეებს არ დაეკისრებათ პასუხისმგებლობა, გარდა ხელშეკრულების მოშლამდე წარმოშობილი ვალდებულებების შესრულების მოვალეობისა.

3.8 ფასების ცვლილება არ განხორციელდება შემსყიდველზე გადაცემულ საწვავის ტალონებით განსაზღვრულ საქონლის რაოდენობაზე.

4. ანგარიშსწორება

4.1 შემსყიდველი იღებს ვალდებულებას, გადაუხადოს მიმწოდებელს მიწოდებული საქონლის ღირებულება ამ საქონლის მიღება-ჩაბარების აქტის ხელმოწერიდან 30 დღის ვადაში, ამ ხელშეკრულებით გათვალისწინებული დოკუმენტაციის საფუძველზე.

4.2 ანგარიშსწორების ვალუტა: ლარი.

4.3 ანგარიშსწორების ფორმა: უნაღდო (საბანკო გადარიცხვა).

4.4 შემსყიდველი უფლებამოსილია განახორციელოს წინასწარი ანგარიშსწორება ხელშეკრულების საერთო ღირებულების ——— %-ის ოდენობით (აგანსი), მიმწოდებლის მიერ ამავე ოდენობის თანხაზე საბანკო გარანტიის წარმოდგენიდან --- სამუშაო დღის ვადაში.

4.5 მიმწოდებლის მიერ წარმოდგენილი საბანკო გარანტია უნდა შეესაბამებოდეს შემსყიდველის მოთხოვნებს და მისი მოქმედების ვადა ხელშეკრულების მოქმედების ვადას არანაკლებ 30 დღით უნდა აღემატებოდეს.

4.6 თუ გარანტიით უზრუნველყოფილი ვალდებულება გარანტიის ვადის ამოწურვამდე შესრულდა, გარანტიის (მათ შორის შესრულებული ვალდებულების ნაწილში) მოქმედების ვადა შესაძლებელია ვადამდე შეწყდეს ან შემცირდეს, შემსყიდველის მიერ მიმწოდებლის ვალდებულების შესრულების დადასტურების შემთხვევაში.

5. სტანდარტები

5.1. ხელშეკრულების ფარგლებში მიწოდებული საქონელი უნდა შეესაბამებოდეს ტექნიკურ პირობებში მითითებულ სტანდარტებს.

6. საპატენტო უფლებები

6.1 საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

7. ხელშეკრულების შესრულების კონტროლი

7.1 ხელშეკრულების შესრულების კონტროლს განახორციელებს:

7.1.1. საქართველოს შეიარაღებული ძალების გაერთიანებული შტაბის ჯარების ლოგისტიკური უზრუნველყოფის სარდლის მიერ გამოყოფილი პირ(ებ)ი – შეკვეთის მიცემის, შესრულების ვადების, მიწოდების ადგილის, მიღება-ჩაბარებისა და საქონლის ხარისხის კონტროლის საკითხებზე;

7.1.2. სახელმწიფო შესყიდვების დეპარტამენტის უფროსის მიერ გამოყოფილი პირ(ებ)ი – 7.1.1 ქვეპუნქტით გაუთვალისწინებელ საკითხებზე.

7.2 კონტროლი განხორციელდება შემდეგი ფორმებით:

7.2.1 ხელშეკრულების და/ან შეკვეთის პირობებთან მიწოდებული საქონლის ხარისხისა და რაოდენობის (მოცულობის) შესაბამისობის შემოწმება ვიზუალური (მათ შორის სპეციალისტის მიერ დათვალიერება), აზომვითი, ტექნიკური ან/და დოკუმენტური მეთოდით;

7.2.2 საქონლის მიწოდების შეთანხმებული ვადების და რაოდენობის (მოცულობის) დაცვის მონიტორინგი;

7.3 კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების

ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

7.4 კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი შემსყიდველის არჩევანის მიხედვით.

7.5 კონტროლის განხორციელებისას მიმწოდებელი ვალდებულია შეასრულოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ 22-ე მუხლით განსაზღვრული მოთხოვნები.

8. საქონლის მიწოდების პირობები

8.1 მიმწოდებლის მიერ საქონლის მიწოდება განხორციელდება ტალონური სისტემით, შემსყიდველის წინასწარი შეკვეთების შესაბამისად.

8.2 მიმწოდებელი საკუთარი ხარჯებით უზრუნველყოფს ხელშეკრულებით გათვალისწინებული საწვავის მოთხოვნილი რაოდენობის შესაბამისი ტალონების მიწოდებას ხელშეკრულების 7.1.1. პუნქტში მითითებული პირების მიერ, წერილობით შეკვეთის წარდგენის დღიდან 5 დღის ვადაში, ხელშეკრულების დანართ №1-ში მითითებულ ადგილას. იმ შემთხვევაში თუ ხელშეკრულებაში მითითებული მისამართზე წერილის ჩაბარება შეუძლებელია მიმწოდებლის ბრალით (ახალი მისამართის შეუტყობინებლობა და ა.შ.), შეკვეთა ითვლება განხორციელებულად შეტყობინების გაგზავნიდან მე-2 სამუშაო დღეს.

8.3 მიმწოდებელი ვალდებულია დაამზადოს და მიღება-ჩაბარების აქტის საფუძველზე გადასცეს შემსყიდველს (სპეციალური მინდობილობით აღჭურვილ პირს) მოთხოვნილი რაოდენობის ტალონები ლიტრობრივ ერთეულში, რომელთა მოქმედების ვადა არის შეუზღუდავი. ყოველი ტალონი უნდა იყოს დამოწმებული მიმწოდებლის ბეჭდით და მასზე უნდა იყოს აღნიშნული:

- მიმწოდებლის დასახელება
- ტალონის ნომერი
- საქონლის სახეობა
- საქონლის რაოდენობა

8.4 შემსყიდველის მხრიდან საქონლის მიწოდების შეკვეთის წარდგენის შემდეგ, მე-3 მუხლის შესაბამისად, ფასების ცვლილების გამო მიმწოდებლის მიერ შემსყიდველისათვის (თავდაცვის სამინისტროს სახელმწიფო შესყიდვების დეპარტამენტს) ფასის ცვლილების მოთხოვნის შესახებ წერილობით შეტყობინებისას, საწვავის ტალონების მიწოდება განხორციელდება ფასების ცვლილების წერილობითი შეთანხმების გაფორმებიდან 2 დღის ვადაში.

8.5 შემსყიდველის (ხელშეკრულების 7.1.1. პუნქტში მითითებული პირების) მიერ შეკვეთის წარუდგენლობის შემთხვევაში, საქონლის/თანმდევი მომსახურების მიწოდებისა და მიღების უფლება-მოვალეობები არ წარმოიქმნება.

8.6 მიმწოდებელი ვალდებულია, საქონლის ან ყოველი პარტიის მიწოდებისას წარადგინოს ხელშეკრულებით და კანონმდებლობით დადგენილი დოკუმენტაცია.

9. თანმდევი მომსახურება

9.1. მიმწოდებელი საქონლის მიწოდებას უზრუნველყოფს ავტოგასამართი სადგურების საკუთარი ქსელის მეშვეობით.

9.2. მიმწოდებელი ვალდებულია ხელშეკრულებით გათვალისწინებული საქონლის მიწოდებისას შემსყიდველის კუთვნილი დამოწმებული საწვავის ტალონის საფუძველზე დაუყოვნებლივ გამართოს ავტომანქანა (ავტოტექნიკა) და/ან სათანადო ჭურჭელი მისი წარმომდგენი ნებისმიერი პირის საწვავის ტალონში აღნიშნული საქონლის სახეობის და რაოდენობის მიხედვით.

9.3. ამ ხელშეკრულებით გათვალისწინებული საქონლის ერთეულის ღირებულება მოიცავს ტალონის დამზადების და 9.2 პუნქტით გათვალისწინებული თანმდევი მომსახურების ღირებულებასაც.

10. ხარისხი

10.1. საქონლის ან ყოველი მისი პარტიის ტექნიკური მახასიათებლები და ხარისხი ერთდროულად უნდა შეესაბამებოდეს ამ ხელშეკრულებისა და შემსყიდველის მიერ განსაზღვრულ ტექნიკურ პირობებს და/ან წარმოდგენილი ნიმუშის (ნიმუშის წარდგენის ვალდებულების შემთხვევაში) პარამეტრებს.

11. შესყიდვის ობიექტის მიღება-ჩაბარების წესი

11.1. მიმწოდებლის მიერ საქონლის გადაცემა და შემსყიდველის მიერ მისი მიღება დასტურდება საქონლის რაოდენობის შესაბამისი საწვავის ტალონების მიღების შემდეგ, ორივე მხარის უფლებამოსილი წარმომადგენლების (შემსყიდველის მხრიდან 7.1.1. პუნქტში მითითებული პირ(ებ)ის) მიერ ხელმოწერილი მიღება-ჩაბარების აქტით.

11.2. მიღება-ჩაბარების აქტის გაფორმების შემთხვევაში, საქონლის მიწოდების თარიღად ჩაითვლება საწვავის ტალონების ფაქტობრივად გადაცემის თარიღი.

11.3. შემსყიდველი უფლებამოსილია, განაცხადოს უარი საქონლის/თანმდევი მომსახურების ან მისი ნაწილის მიღებაზე და მათ ანაზღაურებაზე, თუ:

11.3.1. იგი უხარისხოა (მათ შორის ხელშეკრულებით გათვალისწინებული ხარისხის შეუსაბამო); ან/და

11.3.2. მიწოდებულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე მეტი ოდენობით (ნამეტის ფარგლებში); ან/და

11.3.3. მიწოდებულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე ნაკლები; ან/და

11.3.4. სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია; ან/და

11.3.5. ხარვეზების გამოსწორება შეუძლებელია; ან/და

11.3.6. კანონმდებლობით გათვალისწინებულ სხვა შემთხვევებში.

11.4. თანმდევი მომსახურების გაწევამდე ყველა ქონებრივი უფლება საქონელზე (გარდა ტალონებისა) ეკუთვნის მიმწოდებელს და რისკები საქონლის შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა ზიანზე ეკისრება მიმწოდებელს.

11.5. საქონლის (მისი ნაწილის) მიღების და/ან საბოლოო შემოწმების შედეგად გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი.

11.6. მიმწოდებელი ვალდებულია, გადასცეს შემსყიდველს უფლებრივად და ნივთობრივად უნაკლო (ხელშეკრულებით გათვალისწინებული ხარისხის) საქონელი.

12. ხელშეკრულების შესრულების გარანტია

12.1. ხელშეკრულების შესრულების საბანკო გარანტია შეადგენს ხელშეკრულების ჯამური ღირებულების 2% და მისი მოქმედების ვადა 30 დღით აღემატება ხელშეკრულების მოქმედების ვადას.

12.2. მიმწოდებლის მიერ ხელშეკრულების შეუსრულებლობის შემთხვევაში წარმოშობილი ზიანის ანაზღაურების ან პირგასამტეხლოს გადახდის ვალდებულების შესრულების უზრუნველსაყოფად შემსყიდველი უფლებამოსილია განახორციელოს თავისი, როგორც საბანკო გარანტიის ბენეფიციარის უფლებები, კანონმდებლობით გათვალისწინებული წესით.

13. უფლებების გადაცემა

13.1. დაუშვებელია მიმწოდებლის მიერ ხელშეკრულებით გათვალისწინებული უფლება-მოვალეობების მთლიანად ან ნაწილობრივ სხვა პირისთვის გადაცემა შემსყიდველის წინასწარი წერილობითი თანხმობის გარეშე.

14. ხელშეკრულების შესრულების შეფერხება

14.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომლის გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი

მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.

14.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

15. ხელშეკრულებაში ცვლილებების შეტანა

15.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

15.2. თუ რაიმე წინასწარ გათვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

15.3. ნებისმიერი ცვლილება, რომელსაც მოჰყვება ხელშეკრულების ჯამური ღირებულების გაზრდა ან შემსყიდველისათვის პირობების გაუარესება დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

15.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10% მეტი ოდენობით გაზრდა. ეს წესი არ ვრცელდება ნავთობპროდუქტის (საწვავის) შეძენისას ფასის („C“) განმსაზღვრელი ცვლადი კომპონენტების („P“ და/ან „R“) ცვლილების შემთხვევაში.

15.5. ხელშეკრულების პირობების ნებისმიერი ცვლილება უნდა გაფორმდეს წერილობით, რაც წარმოადგენს ხელშეკრულების განუყოფელ ნაწილს.

15.6. ხელშეკრულებაში დამატებების და/ან ცვლილებების შეტანის დოკუმენტს ხელს აწერენ მხარეთა უფლებამოსილი წარმომადგენლები (შემსყიდველის მხრიდან თავდაცვის სამინისტროს სახელმწიფო შესყიდვების დეპარტამენტის უფროსი).

16. ხელშეკრულების პირობების შეუსრულებლობა

16.1. მიმწოდებლის მიერ ამ ხელშეკრულებით გათვალისწინებული მოთხოვნების შეუსრულებლობის შემთხვევაში, მიმწოდებელს, წინასწარი შეტყობინების გარეშე, დაეკისრება შემსყიდველისათვის შემდეგი ოდენობის პირგასამტეხლოს გადახდა:

16.1.1. საქონლის/თანმდევი მომსახურებით მიუწოდებლობისათვის (მათ შორის ხელშეკრულებით განსაზღვრულ ვადაში, უხარისხო, არასრული მოცულობით, საჭირო დოკუმენტაციის გარეშე) ხელშეკრულების ღირებულების 0,2% ყოველ გადაგადაცილებულ დღეზე.

16.2. თუ მიმწოდებელს შემსყიდველისაგან მიღებული აქვს ავანსი და ამ ხელშეკრულებას ამოეწურა ვადა მათ შორის შეწყდა ვადადღე, მაშინ:

16.2.1. მიმწოდებელი ვალდებულია ხელშეკრულების შეწყვეტიდან 10 დღის ვადაში დაუბრუნოს შემსყიდველს ავანსი (მიღება-ჩაბარების აქტით გაფორმებული და შესრულებული ნაწილის გამოკლებით);

16.2.2. წინასწარი შეტყობინების გარეშე, 16.1 პუნქტით გათვალისწინებულ პირგასამტეხლოს დამატებით, დაეკისრება შემსყიდველისათვის პირგასამტეხლოს გადახდა ავანსად მიღებული და ავანსიდან შეუსრულებელი თანხის 3%-ის ოდენობით ავანსის მიღების დღიდან თანხის ფაქტობრივად დაბრუნებამდე ყოველ თვეზე (არასრული თვე დაანგარიშდება პროპორციულად, დღეების მიხედვით).

16.3. პირგასამტეხლოს დარიცხვის მიუხედავად, შემსყიდველი უფლებამოსილია:

16.3.1. ამ ხელშეკრულებით გათვალისწინებული პირობების დაცვით, შეწყვიტოს ან შეინარჩუნოს ეს ხელშეკრულება;

16.3.2. მიღება-ჩაბარების აქტი გააფორმოს საქონლის მხოლოდ იმ ნაწილზე, რომელიც შეესაბამება ამ ხელშეკრულებით განსაზღვრულ მოთხოვნებს, ხოლო საქონლის იმ ნაწილზე, რომელიც არ შეესაბამება ამ ხელშეკრულებით განსაზღვრულ მოთხოვნებს დაარიცხოს პირგასამტეხლო 16.1.1. ქვეპუნქტის შესაბამისად;

16.4. შემსყიდველის მიერ ამ ხელშეკრულებით განსაზღვრული ანაზღაურების შეთანხმებულ ვადაში მიმწოდებლისათვის გადაუხდელობის შემთხვევაში შემსყიდველს ეკისრება მიმწოდებლისათვის პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0,2 %-ის ოდენობით, მაგრამ არა უმეტეს გადაუხდელი თანხის 2 %-ისა.

16.5. მიმწოდებლის მიერ ხელშეკრულებით ნაკისრი ვალდებულების დარღვევისას შემსყიდველი უფლებამოსილია, გამოიყენოს მიმწოდებლის მიერ წარმოდგენილი ხელშეკრულების შესრულების საბანკო გარანტია კანონმდებლობით განსაზღვრული წესის შესაბამისად.

16.6. პირგასამტეხლოს გადახდა არ ათავისუფლებს მხარეს ამ ხელშეკრულებიდან გამომდინარე ვალდებულებების შესრულებისგან.

16.7. საქონლის/თანმდევი მომსახურების მიუწოდებლობისათვის დღეების მიხედვით დარიცხვადი პირგასამტეხლოს დარიცხვა წყდება ხელშეკრულების მოქმედების ვადის გასვლის შემდეგ.

16.8. თუ ხელშეკრულების შეწყვეტის ან მოქმედების ვადის გასვლის გამო დღეების მიხედვით პირგასამტეხლოს დარიცხვა ვერ ხორციელდება ან დარიცხული პირგასამტეხლოს ჯამი იქნება ხელშეკრულების ღირებულების 2%-ზე ნაკლები, მიმწოდებელს დაეკისრება მხოლოდ ფიქსირებული პირგასამტეხლო ხელშეკრულების ღირებულების 2%-ის ოდენობით.

17. ხელშეკრულების შეწყვეტა

17.1. ეს ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც ამ მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა არანაკლებ -- დღის ოდენობით. ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.

17.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს:

ა) იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);

ბ) ზიანის ანაზღაურების მოთხოვნის დაკმაყოფილების ვალდებულებისაგან (ზიანის არსებობის შემთხვევაში).

17.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

18. ფორს-მაჟორი

18.1. მხარეები თავისუფლდებიან პასუხისმგებლობისგან ვალდებულებების სრული ან ნაწილობრივი შეუსრულებლობისათვის ფორს-მაჟორის შემთხვევაში, როდესაც ნაკისრი ვალდებულებების შესრულება შეუძლებელია.

18.2. „ფორს-მაჟორის“ ქვეშ იგულისხმება გარემოება, რომლიც არ არსებობდა ამ ხელშეკრულების დადებისას და რომლის თავიდან აცილება, ან გადალახვა მხარეს არ შეეძლო, კერძოდ: საომარი მდგომარეობა/საბრძოლო მოქმედება, წყალდიდობა, მიწისძვრა, ხანძარი, ავარია, გაფიცვა, ეპიდემია, საბიუჯეტო ასიგნების მკვეთრი შემცირება და სხვა მსგავსი გარემოებანი.

18.3. მხარე, რომლისთვისაც ფორს-მაჟორის გამო შეუძლებელი შეიქმნა ვალდებულებების შესრულება, ვალდებულია დაუყოვნებლივ (ფორს-მაჟორის დადგომიდან არა უგვიანეს 2 სამუშაო დღისა) აცნობოს მეორე მხარეს ნაკისრი ვალდებულების შეუსრულებადობის შესახებ. შეუტყობინებლობის ან დაგვიანებით შეტყობინების შემთხვევაში იგი კარგავს უფლებას დაეყრდნოს ფორს-მაჟორის არსებობას, როგორც პასუხისმგებლობისგან

განთავისუფლების საფუძველს. შეტყობინებაში მითითებული ფორს-მაჟორის ფაქტი უნდა დადასტურდეს.

18.4. ფორს-მაჟორის მიუხედავად მხარე, რომლისთვისაც ნაკისრი ვალდებულების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს.

18.5. თუ ფორს-მაჟორული მდგომარეობა 30 დღეზე მეტ ხანს გრძელდება, მაშინ მხარეებს უფლება აქვთ ცალმხრივად შეწყვიტონ ხელშეკრულება.

19. სადაო საკითხების გადაწყვეტა

19.1. მხარეები თანხმდებიან, რომ მათ შორის ამ ხელშეკრულებასა ან მის განხორციელებასთან დაკავშირებული ნებისმიერი სადაო საკითხი მოლაპარაკების მეშვეობით მოაგვარონ.

19.2. თუ სადაო საკითხი მოლაპარაკებით ვერ მოგვარდა, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

20. გადასახადები და დაბეგვრა

20.1. მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახდელების გადახდაზე.

21. შეტყობინება

21.1. თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის სახით ან მიეწოდება უშუალო ადგილსამყოფლის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

21.2. შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გაგზავნა მიმწოდებლის ყოფილ მისამართზე, რომელიც მიმწოდებელმა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება გაგზავნის მეორე სამუშაო დღეს.

22. სხვა პირობები

22.1. ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2012 წლის 15 დეკემბრამდე.

22.2. ხელშეკრულების დანართები წარმოადგენს წინამდებარე ხელშეკრულების განუყოფელ ნაწილს.

22.3. ყველა სხვა საკითხი რაც არ რეგულირდება ამ ხელშეკრულებით რეგულირდება საქართველოს კანონმდებლობით.

22.4. ხელშეკრულება შედგენილია ქართულ ენაზე, თანაბარი იურიდიული ძალის მქონე ————— ეგზემპლარად.

შემსყიდველის მხრიდან:

.....

მიმწოდებლის მხრიდან:

.....

4. ხელშეკრულების შესრულების უზრუნველყოფის გარანტია

ტენდერში გამოყენებული იქნება ხელშეკრულების შესრულების უზრუნველყოფის საბანკო გარანტია, ხელშეკრულების საერთო ღირებულების 2%-ის ოდენობით, დანართი №1-ის მიხედვით.

ხელშეკრულების შესრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.

ხელშეკრულების შესრულების უზრუნველყოფის საბანკო გარანტია გამარჯვებული პრეტენდენტის მიერ წარმოდგენილი უნდა იქნას ხელშეკრულების დადებამდე.

5. სატენდერო წინადადების ღირებულების გაანგარიშების მეთოდი

პრეტენდენტმა სისტემის გამოყენებით უნდა წარმოადგინოს ფასების ცხრილი შემდეგი ფორმით:

ფასების ცხრილი

საქონლის დასახელება	საქონლის ძირითადი მახასიათებლები	წარმოშობის ქვეყანა.	რაოდენობა	ერთეულის ფასი	საერთო ღირებულება	მიწოდების ვადა	მიწოდების ადგილი
1	2	3	4	5	6	7	8

პრეტენდენტის დასახელება _____

„გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-19 მუხლის მე-3 პუნქტით განსაზღვრული შემდეგი ფორმულის შესაბამისად:

$C = R \times (P + Z) \times (100\% + 18\%) \times D / 1000$, სადაც:

ა) C = ნავთობპროდუქტის (საწვავის) ერთი ლიტრის ფასი (ლარში);

ბ) R = წინადადების წარმოდგენის, ელექტრონული ვაჭრობის დასრულების ან ხელშეკრულების დადების შემდეგ შემსყიდველის მიერ საწვავის მოწოდების მოთხოვნის დღეს საქართველოს ეროვნული ბანკის მიერ დადგენილი ლარის ოფიციალური გაცვლითი კურსი აშშ დოლართან მიმართებაში (ცვლადი კომპონენტი);

გ) P = წინადადების წარმოდგენის, ელექტრონული ვაჭრობის დასრულების ან ხელშეკრულების დადების შემდეგ შემსყიდველის მიერ საწვავის მიწოდების მოთხოვნის დღიდან PLATTS EUROPEAN MARKETSCAN-ის FOB Med (italy) ბირჟაზე დაფიქსირებული (გამოქვეყნებული) საწვავის ერთი მეტრული ტონის წინა სამი მონაცემის საშუალო ფასი (ცვლადი კომპონენტი);

დ) Z = ტრანსპორტირებასთან, ლოჯისტიკასთან და შენახვასთან დაკავშირებული ხარჯები, ზედნადები ხარჯები, საწარმოს მოგება და აქციზი;

ე) 18% = დღგ;

ვ) D = წინადადებით წარმოდგენილი ნავთობპროდუქტის (საწვავის) სიმკვრივის მაჩვენებელი.

6. საკონტაქტო პირი სატენდერო დოკუმენტაციის შესახებ განმარტებებისათვის

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თბილისი, საქართველოს თავდაცვის სამინისტრო, გენ. გ. კვინიტაძის ქ. №20. სატენდერო აპარატის წევრი გაიოზ მენთეშაშვილი. ტელ. 291 03 54.

7. დანართი №1 ხელშეკრულების შესრულების უზრუნველყოფის საბანკო გარანტიის ფორმა.

ხელშეკრულების შესრულების საგარანტიო უზრუნველყოფა

(საბანკო გარანტია)

ვის: _____
(შემსყიდველის დასახელება)

მხედველობაში ვიღებთ რა, რომ

(მიმწოდებლის დასახელება)

შემდგომში “მიმწოდებელმა” _____ ტენდერში წარდგენილი თავისი

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.
ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე:

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემო აღნიშნულ თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტის ძალაშია _____

გარანტების ხელმოწერა და ბეჭედი

(თარიღი) _____
(მისამართი) _____

8. დანართი №2 პრეტენდენტის რეკვიზიტები.

პრეტენდენტმა სისტემის გამოყენებით უნდა წარმოადგინოს შემდეგი რეკვიზიტები:

პრეტენდენტის რეკვიზიტები:

- პრეტენდენტის იურიდიულ-სამართლებრივი ფორმა და დასახელება;
- ხელმძღვანელის სახელი და გვარი;
- პრეტენდენტის იურიდიული ან/და ფაქტობრივი ადგილსამყოფელის მისამართი;
- პრეტენდენტის ტელეფონის/ფაქსის ნომერი;
- საფოსტო და ელექტრონული ფოსტის მისამართი;
- საიდენტიფიკაციო კოდი.

საბანკო რეკვიზიტები:

- ბანკის კოდი;
- ანგარისწორების ანგარიში;
- ბანკის ადგილსამყოფელის მისამართი.

შენიშვნა: შემსყიდველის მიერ ნებისმიერი გასაგზავნი წერილობითი შეტყობინება აიტვირთება ერთიან ელექტრონულ სისტემაში და იმავდროულად გაიგზავნება პრეტენდენტის რეკვიზიტებში მითითებულ საფოსტო მისამართზე, ან გადაეცემა ხელზე. შეტყობინება ჩაბარებულად ჩაითვლება სისტემაში ატვირთვის დღიდან, მიუხედავად წერილის ჩაბარების თარიღისა.